



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Præfatio.

[urn:nbn:de:hbz:466:1-77355](#)



TRACTATVS QVINTVS

DE VITIIS ET PECCATIS.

A Quæstione 71. Divi Thomæ, usque ad 90.

P R A E F A T I O .



ON pollicor (AMICE LECTOR) tractationem faciem: vix enim altera (quamvis forsitan multi secūs existimant) si materiam spectas, difficilior est. Enimvero quid umbrā, tenebris, caligine obscurius? Quid ea re ignotius, si rem vocari liceat, cuius nullam speciem, formam, vel ideam, nedum in homine, vel Angelo, sed nec in ipso idealium promptuario, & rerum archetypo, reperire est? Atqui & ius vitiis, quæ annotavi, tota constat peccati natura, ius partibus componitur fædissimum monstrum. Scite admodum Propheta Iob, cum multa de peccati malitia, sub typo Behemot, præclare dixisset, ubi ad ejus vultum, quo natura designatur, pervenit, hujus fæditate teritus, in medio hæsit, & figuris tantum acturus, exclamat: Quis revelabit faciem ejus, & in medium oris ejus quis intrabit? Portas vultus ejus quis apertiet? Id est, quis peccati naturam, detectâ laruâ, omnibus palam faciet? Quis medium, intimumque vastissimi oris, quod maximam mortalium partem absorbet, aut portas, & primos gradus, quibus consummanda malitia iter patet, investigabit? Pergit postea: Sub umbra dormit, protegunt umbræ umbram ejus: neque enim umbra duntaxat dicendum est, lucisque privatio, sed non alium, quam tenebras, parentem, non aliam prolem agnoscit, cum ab ignoratione veri originem ducat, & omnis peccans (ut Philosophus ait) sit ignorans, & error ac tenebræ peccatoribus concreata sint, ut dicitur Eccli. 11. Quid igitur mirum, si in tam densa caligine, usque tenebris, peccati malitiam ægrè dignoscî posse dixerim? Puteus profundus peccatum est (inquit Gregorius) quo absorberi se Propheta timebat, cum dicebat: Neque absorbeat me profundum, neque urgeat super me puteus os suum. Vel, ut eo loco ait Augustinus, Magnus puteus est profunditas iniquitatis humanæ. Spero tamen (AMICE LECTOR) eam profunditatem me tutò aditum, neque ea voragine, usque vorticibus absorbendum, cùm Angelicum Præceptorem ducem habeam, qui ut alter Iacob, lapidem puto superimpositum amorecat, & in ea caligine lucem præferat. Opto plurimum, ut hujus monstri fæditate terrori discas, & peccatum pejus angue existimes, & ad ejus conspectum exhorrescas & procul fugias, huicque prudenti Spiritus Sancti consilio morem geras; Quasi à facie colubri fuge peccatum: Dentes Leonis, dentes Eccl. 22. ejus, interficienes animas hominum. Quasi romphæa bis acuta omnis iniqitas, plaga illius non est sanitas.